

UMS Juara Bola Sepak Institusi Teknikal Sabah 2013

OLEH JOANES ROBERT JOHN-
NY joanes@newsabah-
times.com.my NST 4.5.2013 21

KOTA KINABALU: Universiti Malaysia Sabah (UMS) menjuarai Kejohanan Bola Sepak Institusi Teknikal Sabah apabila menang tipis terhadap tuan rumah Politeknik Kota Kinabalu (PKK) dalam penentuan tempat teratas liga Kejohanan tersebut.

Kejohanan tersebut telah berlangsung selama dua hari di mana sebanyak lima pasukan mengambil bahagian.

Tiga lagi pasukan yang turut berentap ialah PKK, Politeknik Sandakan (PSS), Institut Kemahiran Mara (IKM), Institut Kemahiran Belia Negara (IKBN) dan UMS.

UMS yang hadir sebagai pasukan jempuan membuktikan kehebatan mereka dengan rekod menjuarai kejohanan tersebut tanpa kalah dan tanpa bolos.

Pasukan itu memenangi kesemua perlawanan untuk mengutip 12 mata penuh meninggalkan PKK yang mengutip tujuh mata di tempat kedua diikuti PSS dengan lima mata di tempat ketiga.

Sementara itu, IKBN hanya mampu menduduki tempat keempat dan IKM di tempat kelima.

UMS memulakan persaingan dengan langkah kanan apabila menundukkan PSS 3-0 sebelum menang tipis

keatas IKM 1-0 dan kemudiannya membelasah pasukan IKBN 4-0 disusuli perlawanan penentuan menentang PKK.

Perlawanan diantara UMS dan PKK bermula sengit dengan kedua-dua pasukan berbalas serangan, namun pada separuh masa kedua, UMS mengubah corak permainan dan mengawal keseluruhan permainan dengan mengasak kubu pertahanan lawan dan melakukan percubaan demi percubaan.

Gol kemenangan hadir pada penghujung masa perlawanan apabila Andi Habbibi Ambo, 21, yang dimasukkan selaku pemain gantian menolak masuk bola yang dihantar daripada Memet Kaya melalui tendangan sudut sekaligus menewaskan penjaga gol PKK dan mengangkat UMS sebagai juara bagi kejohanan tersebut.

Ketua jurulatih pasukan UMS, David Johnny berpuas hati dengan mutu persembahan yang dipamerkan oleh anak didiknya sepanjang kejohanan tersebut.

Beliau berpendapat kejohanan itu merupakan salah satu persediaan pasukan UMS bagi menghadapi kejohanan Liga Bola Sepak Institusi Pengajian Tinggi Borneo yang akan bermula pada 11 Mei ini dan dijadualkan tamat pada pertengahan bulan Jun. Katanya, UMS akan memulakan liga tersebut dengan melayan kunjungan daripada Kolej Komuniti Sabah (KYS).



BERJAYA....UMS berjaya menjuarai Piala Kejohanan Bola Sepak Institusi Teknikal Sabah 2013.